

# 宛陵先生詩集

五之七


漢書門類	三四三號	一三架	一三冊
------	------	-----	-----

內閣文庫	漢書類	三四三號	一三架	三五函
------	-----	------	-----	-----

內閣文庫	
番號	漢 3423
冊數	13 ( 2 )
函號	315 40







宛陵先生文集目錄卷第五

池州後詩上

淺草文庫

贈黃庭筠舉進士

和滕公游穿山洞

贈陳真卿秋試

秋日詠蟬

范夫人挽詞

弔曠坑惠燈上人

寄題石埭碧瀾亭

班竹管筆

古意

觀博陽山火

聞鴈寄歐陽

送謝舍人奉使

觀放鷄子

食橙寄謝舍人

夜聞居人喊虎

採白朮

寓言

送李尉之邵武

銅坑

朝日

失鷓鴣

過小石潭

縣齋對雪

對花有感

山中夜行

啄木

夢與公度同賦

和綺翁遊齊山寺

池州後下

范待制約遊廬山

范饒州語食河豚

徐元與邀遊山

和元與遊春

留別李君

離蕪湖

寄馬秘書

寄建德徐元與

詠苜蓿

汴河雨後呈同行

夏日汴中作

夢故府錢公

謝紫微寄書鷺

宿州河亭書事

晚泊觀鬪鷄

聞表兄施先輩上第

雍丘逢錢寺丞

廟子灣辭

送蔡侍禁赴長沙

送馬廷評之餘姚

送李寺丞	送馬廷評知康州
過鳴雁城	送余駕部知江州
和陳秘校見寄	送張子野知鹿邑
送王紫微北使	九月都下對雪
答劉第示詩	劉秀才見過
和劉啟秀才	和劉十秋霖
送劉十往荆渚	

目錄終

宛陵先生文集卷第五

贈黃庭筠舉進士

橘柚生南國幽林日葱蒨  
 上有嘉禽鳴五色被  
 餘絢彼美發華英厥包待秋薦  
 根本當自持無  
 為風土變

和滕公遊穿山洞

洞口水石淺潺湲綠蒲緣源進  
 巖竇陰里人境  
 殊中言有物怪蟠蟄春未蕪  
 霖雨雖有意風雷  
 莫自扶風雷自鼓盪不久當何如  
 幸欣禪林迹

鍾梵來有無  
回策履幽迳  
衣香草露濡  
老僧長松下  
糜庶與之俱  
溪雲時見起  
山鳥自相呼  
羨爾得茲樂  
何用勞形軀

陳真卿將有秋試倏見訪不日告行送於北門歌鵲庭為五言以贈

送君北崗上  
奉酒歌黃鵠  
黃鵠去何高  
天池待棲宿  
寧復戀江湖  
聊茲混雞鶩  
暉暉振羽裳  
不羨淵明菊

秋日詠蟬

群蟲喜炎熱  
此獨愛高陰  
薄蛻聊依葉  
清聲已出林  
人閑感衰節  
風急雜遙砧  
虛腹曾何竟  
常憂蟾斧侵

范饒州夫人挽詞二首

聽飲大夫日止言  
京兆辰常憂  
伯宗直曾識  
仲卿貧蒿里  
歸魂遠  
芝山旅殯新  
江邊有孤鶴  
嘹唳獨傷神

君子喪良偶  
拊棺哀有餘  
莊生慙擊缶  
潘岳感游魚  
夕苑凋朱槿  
秋江落晚蕖  
猶應思所歷  
入

室淚連如

弔曠坑惠燈上人

生棲雲際巘沒葬寺傍村破案殘經卷新墳出  
樹根松悲隔溪路月照舊山門自昔多詩句而  
今幾許存

寄題石埭權縣樂尉碧瀾亭

遙知溪上亭秋水瀟泠泠雲影無時翠嵐光到  
底清危樓喧晚鼓驚鷺起寒汀聊作淵明飲臨  
流酒易醒

斑竹管筆

翠管江潭竹班班紅淚滋東毫何勁直在橐許  
操持欲寫湘靈怨堪傳虞舜辭蔚然君子器安  
用俗人知

古意

月缺不改光劍折不改剛月缺兔易滿劍折鑄  
復良勢利歷山岳難屈志士腸男兒自有守可  
殺不可苟

觀博陽山火

十月原野枯連山起狂燒高焰過危峯飛火入  
遐嶠玉石被焚灼誰能見輝耀榛榛失輕捷亦  
不暇相弔長風又助惡怒號生萬竅炎炎赤龍  
奔劃、陰電笑願傾寒江潮勢逆難沃澆願傾  
天河水雖順雲衢遙青松心已爛蔓草根未焦  
小農候春鋤寒客失冬樵誰知兼并子平陸閑  
肥饒不易天地意長養非一朝

聞雁寄歐陽夷陵

閑坐獨無寐鴈來更未闌聲長河漢迥影落戶

庭寒荆楚摘包熟瀟湘楓葉丹南飛過三峽試  
問故人看

送謝舍人奉使北朝

漢使下西清故人擁道迎寒笳隨宿堡衛甲出  
孤城犯雪貂裘重衝風錦綬輕山川辭國遠車  
騎踏沙行授館氈為幄供庖酪和羹戎王拜天  
賜虜帥伏名卿紫塞千烽靜黃雲萬里平甘泉  
歸奏日重見鳳池榮

觀放鷓子



白晳少年子秋郊臂蒼隼日暖飢目開風微雙  
翅緊草際鳴鶉驚蒿間黃雀窟下鞫誠必獲得  
俊還後晒碎腦此非辜食肉爾何忍取樂在須  
臾我心良惻憫

食橙寄謝舍人

洞庭朱橘未弄色寒水錦橙已變黃玉臼擣蘂  
吟鱸羹金盤按酒助盃香雖生南土名猶重未  
信中州客厭嘗欲寄白苞憑驛去只應佳味怯  
風霜

夜聞居人喊虎

猛虎豈云猛潛藏伺天昏行、出叢薄稍、入  
孤村孤村何所利所利犬與狔誰知仁者勇去  
惡義自敦

採白朮

吳山霧露清群草多秀發白朮結靈根持鋤採  
秋月歸來濯寒澗香氣流不歇夜火煮石泉朝  
煙徧巖窟千歲扶玉顏終年固玄髮曾非首陽  
人敢慕食薇蕨

寓言

寒燈不照遠光止一室明  
小人不慮遠義止目前  
榮燈既無久焰人亦無  
久情誰言結明月明月  
豈長盈

送李尉子京之邵武先澤

母老不擇祿一官勤夙興  
長河未結凍去客已懷冰  
露蟬不能腹志士甘曲肱  
遠方人所畏所畏非所兢

銅坑

碧鑛不出土青山鑿不休  
青山鑿不休坐令鬼神愁

朝日

日色纔出海曉月無光彩  
曉月在青空不與日色同  
誠知大君德照耀無不通

失鷓鴣

愛翫日已久開籠為馴故  
點臆雪花圓連袂浪紋素  
鉤輶格磔鳴乾乾翻翁去  
誰知煙渚深綠水脩篁處

過小石潭

樹老石連潭潭深煙翠入群魚石下游獨鳥潭  
上立泉暖草長綠山高風自急徘徊興不窮苔  
履雲霑濕

縣齋對雪

密雪夜來積起見萬物春山川忽改色草木一  
以新古邑失荒穢王路覆平均從茲慶豐年蹈  
詠慙小臣

對花有感

新花朝竟妍故花色顯頓明日花更開新花何  
以異

山中夜行

孤客心多恐寒風夜度溪山長羸馬困月黑怪  
禽啼遠火生樵舍荒榛亂野蹊喜言林館近聞  
犬入猶迷

啄木

中園啄盡蠹未肯出林飛不識黃金彈雙翎墜  
落暉

夢與公度同賦藕華追錄之

吳王舊宮闕水殿芙蓉披濁泥留玉骨疑是葬  
西施西施兔不滅嬌艷照清池

和綺翁游齊山寺次其韻

蒼山南望截雲煙中有紺宇通諸天長橋直度  
清溪水寒湖收潦曠平田古木陰森大堤上千  
峯濃淡高樓前龍筍未迸角出縮虎石亂踞筋  
拳孿陰崖乳泉濕苔蘚陽谷暖氣留蘭荃澗戶  
曉闌煙的的松軒夜啓月娟娟聞有謫仙乘興

入飄然欲拍洪崖肩玩遊逐勝不覺遠露竒叢  
怪工無全捫蘿但識康樂徑飲酒安問遠公禪  
清猿不到俗士耳香草已入騷人篇水鳥念佛  
次淨界野鹿啣花來象筵在昔探賞猶可數深  
景秀句今得傳薛韻險絕茲所駭何特杜牧專  
當年重以平淡若古樂聽之跡越如朱絃秘藏  
褚中為不朽咨詠坐上皆曰然誰意簾官獲此  
貺洗去鄙吝空池邊聊欲報言罕驛使春郊唯  
見雁連連

池州後詩下

范待制約遊廬山以故不往因寄

平昔愛山水茲聞廬嶽遊  
遠期無逸興獨往畏  
湍流舉手謝雲壑  
棲心慙鳥鷗香爐碧  
峯下應為一遲留

范饒州坐中客語食河豚魚

春洲生荻芽春岸飛楊花  
河豚當及時貴不數  
魚鰕其狀已可怪其毒亦莫加  
念腹若封豕怒目猶吳蛙  
庖煎苟失所入喉為鏤  
鄣若此喪軀

體何須資齒牙持問南方人  
黨護復矜誇皆言美無度  
誰謂死如麻我語不能屈  
自思空咄嗟退之來潮陽  
始憚滄籠蛇子厚居柳州而甘食  
蝦蟇二物雖可憎性命無并  
差斯味曾不比中藏禍無涯  
甚美惡亦稱此言誠可嘉

徐元與見邀與諸君同遊至峯山溪上

作

春霽重行行在墟里攄懷  
猷樓觀寓興欣山水斷  
壁翠連雲寒流清見底  
主人開綠樽下

馬臨芳芷澄溜瀉灣濬跳波生石齒園林始弄  
萼臯壠時鳴雉談詭亡機心笑言驚俗耳曠哉  
茲日遊何羨稽山美

和元輿遊春次用其韻

乘閑多遠興信馬與君行碧樹斜通市清流曲  
抱城山花高下色春鳥短長聲日暮吾廬近還  
歌空復情

留別李君君頗有歸意而未遂

酌我罇中酒知君羨北歸如何沙上鳥遠逐片

帆飛

離蕪湖至觀頭橋

江口泊來久菰蒲長舊苗爭鵝洲鵲聞遺子浦  
魚跳宿岸欣逢戍歸船競趁潮時時望鄉樹已  
恨白雲遙

馬秘書始約同行久而未至因以寄

渡江落我前入汴居我後日日是南風時時為  
迴首逢船一借問遠棹見來否明朝儻相及閑  
步河堤柳

寄建德徐元興

才子方為邑千峯對縣門  
靜寒琴意古閑獸鳥  
聲喧山茗烹仍綠池蓮摘更繁  
訟稀應物詠庭  
下長蘭蓀

詠苜蓿

苜蓿來西域葡萄亦既隨  
胡人初未惜漢使始  
能持宛馬當求日離宮舊種時  
黃花今自發撩  
亂牧牛陂

汴河雨後呈同行馬祕書

雨霽晚虹收河堤淨如掃  
清陰拂人樹翠色垂  
流草漢漕走王都華言雜夷僚  
時方同馬生野  
泊聊論道

夏日汴中作

倚棹望平野低雲密未收  
黃鸝度高柳歸燕拂  
行舟濁水不堪照清江空憶遊  
晚晴蒸潤劇喘  
月見吳牛

夢故府錢公

故相方來夢分明接座隅  
只知冠劔是不道死

生殊西府看如舊東山詠久徂遽然興寤歎不  
覺淚霑鬚

謝紫微以畫鷺二軸為寄

白鷺畫雙素粉毫幽趣多翹沙依折葦刷羽對  
衰荷浦思懸秋壁江情憶釣蓑因君遠相寄時  
詠對滄波

宿州河亭書事

遠泛千里舟暫向郊亭泊觀物趣無窮適情吟  
有託林中鷓鴣舅寧席上蠅虎攫雨久草苗盛田

蕪瓜蔓弱香粳稚子慣脫粟家人薄少年都下  
來聊問時所作新衣尚穿束舊服愛襖博我今  
貧且賤短褐隨宜著

晚泊觀鬪雞

舟子抱雞來雄雄踣高岸側行初取勢俯啄示  
無憚先鳴氣益振奮擊心非悞勇頸毛逆張怒  
目眦裂肝血流何所爭死鬪欲充玩應當激猛  
毅豈獨專晨旦勝酒人自私粒食誰爾喚朽懷  
彼興魏傍睨當衰漢徒然驅國衆曾靡救時難



群雄自苦戰九錫邀平亂寶玉歸大姦干戈託  
奇筭從來小資大聊用一長歎

聞表兄施先輩上第

昔人事功名五十未為老而今君已及得桂誠  
非早所慰白頭親且將黃綬好吾始日夜心望  
盡京闕道拜慶早歸來莫變秋庭草

雍丘逢錢寺丞載陽

殷勤魏公子落莫吳王孫下客獨垂淚傷心思  
舊恩

廟子灣辭

廟子灣風俗云有白鼉憑險日為波潮以驚異  
上下余過而作辭云

我之東來兮過彼雍丘舟師奏功兮濁水湍流  
歷長灣兮勢曲鉤傾高斗折兮若奔虬潜伏怪  
物兮深幽幽巖作暴漲兮為潮頭土人立祠兮  
在彼沙洲老木蒼蒼兮蟬噪啾啾輸卒引絆兮  
蓬首裸體劇縲囚赤日上煎兮膠津蹙氣塞咽  
喉胸盪肩挨同軛牛足進復退不得休竟持紙

帶挂廟取微風飄揚如喜收我今語神神聽不  
何不歸海事陽侯穹魚大龜非爾儔奚必區區  
此汴溝驚愚駭俗得看羞去就當決何遲留

送蔡侍禁赴長沙

寒葉下瀟湘之官逐雁行水經菱浦晚船過橘  
洲香二女竹林外三閭楓葉傍平時息戎律物  
景助才章

送馬廷評之餘姚

越鄉知勝楚君去莫辭遠曉日魚蝦市新霜橘

柚橋河流通海道山井應江潮近邑逢鷗鳥先  
應避畫橈

送秀州海鹽知縣李寺丞

吳帆千里去邑屋富魚鹽霜鶴亭臯唳風烏海  
客占滄涼朝日近紫翠晚山尖若過陸機宅寒  
蕪應不嫌

送馬廷許知康州

南去晉康郡風帆幾千里薛家上洞庭落葉過  
湘水龍吏迎使君壺漿出蠻壘問俗言未通觀

風想先喜會非異方趣頗與華人擬期子寄梅  
花無由問行李

過鳴雁城

九月過鳴雁斜陽上廢臺兵車千載會桑柘萬  
疇開代謝隨秋草英靈化死灰我來空詠古寒  
鳥有餘衰

送余駕部江州

內史九江行潦收波已清何時鷁舟上遠見爐  
峰迎野色連葭莢秋香薦橘橙寒潮如特送不

肯過湓城

依韻和陳祕校見寄

鬱鬱東堂桂常期接袂攀羽翰殊不及蓬華却  
空還江水幾經歲鑑中無壯顏青塵能見問誰  
道隔雲山

送張子野祕丞知鹿邑

忽作五年別相逢雙鬢疎不知從此去當見復  
何如公秣時為酒晨庖日有魚沛誰風物美聊  
以樂琴書

送王紫微北使

天子命儒臣遐方重專對持書下西閣擁節來  
窮塞貂服紫蒙茸虎旗光綵綵將迎走羶騎衛  
從羅金鎧當宣藻恩德更使胡欣戴幾日過陰  
山南飛雁相背

九月都下對雪寄永叔帥魯

陰風中夜鳴密雪逗曉積誰言有蓬巷但見鋪  
瑤席忽憶在山中開戶群峯白當時吟不厭盡  
日坐嵩石徬徨懷故人憔悴為遷客欲泛剡溪

船路長安可適

劉弟示詩一軸走筆答之

昔與伯氏吟青銅照人髮今又讀君詩寒冰徹  
人骨時時探古趣徃徃到月窟清濟流不休終  
期至溟渤

劉十秀才見過尋以為寄次韻和酬

放言破崖岸塵呻盡磨刮况此氣澄明幽襟亦  
軒豁竟日坐衡茅同心異胡越吾道今不孤長  
吟為君費

依韻和劉敞秀才

安得采虛名師道欲吾廣  
雖然存術業曾不計  
少長孔孟久已亡  
富貴得亦僅後生不聞義  
前輩懼為黨退之昔獨傳  
力振功不賞舌吻張洪  
鐘小大扣必響近世復  
泯滅務覺多忽恍今子  
誠有志方駕已屢枉  
自慙懷道淺所得可下上  
正如種青松而欲託朽壤  
典冊皆可尋聖言皆可  
仰幸與增我過此語固不爽

依韻和劉十秋霖

秋草更綠秋林衰  
長安遊客未成衣  
淒淒斗欲變寒色  
一夜獨語看燈輝

送劉十往荆渚

臨水一太息解舟當落暉  
上樓人已遠極目烏  
空飛荆楚時方晏  
江湖客未歸定知吟憶處  
林外月光微

宛陵先生文集卷第五

宛陵先生文集目錄卷第六

池州後詩下

裕禮頌聖德詩 獎諭

裕享觀禮二十韻 寶元聖德詩

送胡臣秀才 送張秀才之淮南

還文雅師書秩 和徐元興

送田賢良江寧倅 送邵夢得

送蕭監丞 南隣蕭寺丞夜訪

讀司馬秀圭傳 臘日雪

和王祕校見寄

送張尉乞侍養

和子聰見寄

送何山人歸蜀

寄衡山長老

渚橋送張祕校

南陽謝公祈雨

西禪院竹

新霽望收笠山

贈師厚生日

晝寢

過白水

泛舟偶呈永叔

送永叔歸乾德

代寄永叔四十韻

漸嘉樓望雨

和謝舍人游震

和謝舍人新秋

中秋新霽

陪謝紫微晚泛

陪覽秀亭拋壻

傷馬

一日曲

汝州後詩

和謝副閣寄新酒

送殿丞宰巫山

朔風寄永叔

襄城對雪

雪夜留梁推官飲

謝紫微挽詞三首

永叔南陽至

贈琴僧知白

宋教授還邨

宛陵先生文集目錄卷第六

宛陵先生文集卷第六

禘禮頌聖德詩

溥哉孝享將事于寧文武卿士冠劔在庭爰俟  
帝齋風霰其零風霰不已鈞陳豹尾龍旂太常  
立列比比帝居路寢百辟就次至于穀旦漫  
翳、帝入靈宮左撞黃鍾陞階置玉日氣曛鴻  
鴻鴻杲、氛馭陰掃宿于太宮月星皓皓侍祠  
之臣鵠舉鷺振或捧其匱或進其巾輔相夾導  
俯僕鱗鱗圭瓚以陳登歌以均東向虛位蒞爵



親親平明帝還紫宸序班望帝之顏穆穆閑閑  
簷步廊廊雪浮陽光大楹爛爛朱陛煌煌稱祝  
萬壽萬壽無疆却登寶輿以御端門揭雞肆赦  
雷動乾坤于時都人于時嬪女于時蠻夷異口  
同語天子萬年仁聖之主臣時執冊與物咸覩  
敢播于詩庶聞九土

獎諭

勅梅堯臣省所進裕享詩事具悉爾學優而粹  
行懿而淳以詩自名為衆所服矧乃詠歌祖宗  
之功德述禮樂之聲容宜被朱紘以薦清廟載  
披來獻深用歎嘉故茲獎諭想宜知悉

裕享觀禮二十韻

卜惟陽月吉孝享禮方脩齋幄嚴宮殿群臣奉  
冕旒北風先集霰夜雪竟侵幃羽仗天街立龍  
笏象魏流翌朝升寶輅夾道列華輶琳宇躬將  
款珠塵密未收撞鈞奏合奠玉日光浮捧冊叨  
於左觀儀得以周帝來清廟下月欲大刀頭既  
裸還初次更衣戴遠游黃麾轉槐路朱輦駕雲

虬武士羅金甲中人着錦構千官入稱慶萬國  
與同休却出紫宸閣俄登宣德樓雞星傳異令  
鶴馭作天郵肆赦通皇澤深仁被九州巍巍百  
世業坦坦四夷柔惠及高年叟恩差五等侯力  
田仍給復有道俾傍求何以歌堯美茲同擊壤  
謳

寶元聖德詩

齋誠羽衛陳庚戌推奠英靈宮容物備清廟威  
儀攝遲明導玉輿出宿戒清堞冥濛雲霧低泱  
泱乾坤接時雪凝九霄金笳竟三疊來賓萬國  
會受職百神協中夜即壇墮濃陰駁鱗鬣及爾  
圭幣升煥然星斗曄華鍾帝樂張法從天衢躡  
端門清旭上肆宥歡殷浹寶圖增大號元曆開  
皇劫吉甫獨何人詠歌揚聖業

送胡臣秀才

汴水日夜淺歸舩不可留天高雲就嶺地冷雁  
迴洲江館魚堪食家林橘已收平生素業在莫  
見里人羞

送張秀才之淮南

聊為楚客唱一送淮南行出汴遠心喜移舟孤  
岫橫危帆將進浦寒霧不分城枚乘舊居處向  
來秋草生

還文雅師書秩

編絕不加新于今十二春綠窓重展目靜几勿  
生塵豈愛吾廬日終將道者親莫嫌同刺字漫  
滅看難真

依韻和徐元與讀寄內詩戲成

鴛鴦同白首相得在中河水客莫驚美雲間比  
翼多

送賢良田太丞通判江寧

世為燕趙客慷慨有奇才對策漢庭後拜官江  
國來舟從瓜步去潮自蔣山回心寄城頭月相  
隨上古臺

送邵夢得永康軍判官

且歸洛中明年春赴任

言離洛陽日正值春風前伊水矯白鷺蜀山鳴  
杜鵑輕袍游官去匹馬度關年若過君平肆窮

通可問焉

送蕭監丞濬宰臨邑

羨君先拜邑殘臘見登車遠驛寒雲重長郊積  
雪餘行當勸民稼始信帶經鋤還到濟南日應  
傳古尚書

南隣蕭寺丞夜訪

憶昨偶相親相親如舊友雖言我巷殊正住君  
家後壁裏射燈光籬根分井口來邀食有魚屨  
過貧無酒明日定徂征聊茲酌升斗宵長莫惜

醉路遠空迴首

讀司馬季主傳贈何山人

長安新雨後九陌少行人同輿有宋賈游市懷  
隱淪日聞古賢哲必與醫卜隣來過季主室再  
拜語逡巡矍然悟辭貌何為居埃塵捧腹乃大  
笑吾道非爾臻驥慙罷驢駟鳳豈燕雀親筮占  
聊助上功利僅及民大夫與博士登車若喪神  
今我見何遜始驗太史真順性誨善惡不離義  
與仁言孝諭為子言忠諭為臣又得蜀嚴比寧

將日者均京都盛龜筴坐肆如魚鱗喋口不正  
言唯能辨冬春鴻冥復所慕安得鷄鶩馴

臘日雪

風毛隨校臘浩浩古原沙寒入弓聲健陰藏兔  
徑賒馬頭迷玉勒鷹背落梅花少壯心空在悠  
然感歲華

依韻和雍丘尉王祕校北見寄

東瞻祀國城半日鳥飛程度鴈不曾下新文誰  
寄評舊年因使至秀句欲人驚聊効題齋壁先

賢亦以旌

送新安張尉乞侍養歸淮甸

天兵出塞日西尉去官初却衣老萊服曾無梅  
福書春郊欲迴雁寒水正沉魚任意歸舟駛風  
煙亦自如

依韻和子聰見寄

嘗念餞行舟風蟬動去愁獨登孤岸立不見遠  
帆收及送故人盡亦嗟歸迹留洛陽君更憶寧  
復醉危樓

送何遜山人歸蜀

春風入樹綠童稚望柴扉遠壑杜鵑響前山蜀  
客歸到家逢社燕下馬澣征衣終日自臨水應  
知己息機

寄衡山福嚴長老

衡山幾千里聞在湘川側雲霞不可到峯壑無  
由識方丈開其間青松隱寒色飛鴻尚莫過况  
寄雙鳧翼

曲渚橋送張秘校赴慶州幕

野客伐山桂橫為曲渚橋勢危寧過馬往狹欲  
通樵小艇何妨繫離菟正此銷想君迴首處虹  
影在林樾

南陽謝公祈雨

雲龍本職雨不雨其失職萬草欲焚如千疇幾  
赭色刺史為民憂侵晨車竟飭竭耒疑宮祠豈  
不念黍稷霽隨輪軒霽霽徧畛域孰謂雲龍  
愚能成仁惠德濯濯群物新葱葱衆苗殖莫比  
邵父渠初慙用人力

西禪院竹

古寺帶脩岡青葱萬竿玉春梢長舊林夏雨濕  
新綠幽禽嘯呼雜晚照陰晴續解帶欲忘歸壺  
觴歡自足

新霽望岷笠山

謝紫微坐中賦

北望直百里峩々千仞青斷虹迎日盡飛雨帶  
龍腥陰澗烟雲畜陽崖草木靈登臨終不歇時  
許到茲亭

師厚生日因以詩贈

龍驥產龍駒良金出良冶良冶無頑礦駒龍豈  
凡馬致遠在御徒作礪由工者君子生慶門詩  
書未嘗拾進道期日隆無愧金馬下

書寢

嘗聞晉高士時偃北窓風及爾寂無慮始知機  
盡空便便嘲已解栩栩夢何窮一寤復一寐百  
年消此中

過白水

下馬獨懷古脩然臨渡風肯人去來久流水自

無窮雨濶沙痕漲灣平野色通曾興漢家業今  
與百川同

泛舟城隅呈永叔

藤竹繞城陰煙梢拂濠水山禽時一鳴楚客孤  
舟裏孤舟穿綠荷獵獵雨新過誰思暮江上只  
尺採蓮歌

送永叔歸乾德

淵明節本高曾不為吏屈斗酒從故人藍輿傲  
華紋悠然自遠空曠爾遺群物飲罷即言掃胸

中寧鬱鬱

代書寄歐陽永叔四十韻

始謫夷陵日當居建德年一書寃逐客四詠經  
稱賢自謂臨江徼相逢莫我先白醪封畫榼素  
鯉養泓泉戒吏收山粟呼童惜沼蓮只期東浦  
過共醉小溪邊日日占風勢時時到水堦安知  
貧挂席不肯暫迴舟自爾皆無定歸歟亦未然  
指程幾一月泝險歷三千魚鳥都難問音塵杳  
莫傳因之走羸僕試與訪南遷比及過牛峽還



聞迎璧田報言雖不獲吉語喜多全我解歸堯  
闕君移迹漢淵問途曾未遠命駕亦何緣衰野  
今行矣隆中有待烏鄉亭瓜接畛風化蟻同糶  
即欲朋簪盍翻為俗事牽愛嬰嬌啞啞嗜寢復  
便便雞黍煩為具輪轅豈得前寄聲勤以謝幸  
子恕而憐來貺誠為望論情恐未捐嘗親馬南  
群果謁謝臨川遂得窺顏色重忻論簡編聊咨  
別後著大出篋中篇問傳輕何學言詩詆鄭箋  
飄流信窮厄探討愈精專道舊終忘倦許文欲  
廢眠寧知主人貴但見左魚懸所至同風月相  
歡憶澗瀍清歌嗟在耳素髮怪侵顛翠蝶時登  
眺芳洲屢泝汭難醒撥醅醪殊馭落頭鮮坐竹  
聽啼鳥臨流聒嘒蟬孤亭起歸夢南陌去揚鞭  
出餞陪雙旆方蘄歷廣鄠始生山吏敬頗釋利  
途遭會面辭何吐離膺事已墳空餘郡樓望野  
色際平煙

漸嘉樓望雨陪謝守

冒雨上城頭淒淒欲報秋雲低密藏樹風急暗

侵樓漸積荷珠重新添沼鑑幽憑欄未能去公  
自念民疇

和謝舍人游震

盛夏萬物當長養驕陽不雨誰為憂天無纖雲  
野頽色草木焦卷如絰秋南陽太守自引咎不  
以天時為怨尤齋精潔慮祠望內僚屬奔從無  
停輟謾取詩言占離畢徒依風俗驗鳴鳩忽聞  
郡北直百里岑々芟笠藏靈湫持牲遣吏詣其  
下俎豆未徹升陰虬電光劃々遶宮壁雷聲隱  
隱生山陬擁雲馳雨自東上西風斗猛雲還收  
神龍蓄志未發泄明日更與頑陽讎黯靄陰黑  
若卷海聯綿霹靂能破仇沃然原隰洗妖氣浩  
爾溝瀆揚平流凡穀有登百姓喜蜿蜒歆祀神  
何羞

和謝舍人新秋

西風一夕狂古屋吹可恐微變蜻蛚吟斗摧蚊  
蚋勇朝驚露墜梧遠愛雲飛隴還憶舊溪遊水  
清漁箔壅

中秋新霽壕水初滿自城東偶泛舟迴

謝公命賦

時余將赴襄城

齋舫談經後官池載酒行斜陽鳥外落新月樹  
端生演漾思江蒲夷猶繞郡城東轅有遺恨日

日物華清

陪謝紫微晚次

積雨漲秋壕輕舟此共遶菰蒲斂鉉鐸蓮花熟  
橐籥岸靜魚跳月林喧鳥避篙歸時興不淺風  
物正蕭騷

奉陪覽秀亭拋壻

聊為飛礫戲愈切愈紛如自是取勢濶非關用  
意踈悞驚花鳥起亂破錦苔初童指拾將禿多  
慙賈勇餘

傷馬

此馬季父為樞直  
日恩賜以遺余

吾貧只一馬昨日忽云喪庭樹齧無膚秋郊誰  
復放空傷駮骨埋固乏弊唯葬況本出天閑因  
之重悵悵

一日曲

此而下離南陽作

妾家鄧侯國昔愧邯鄲妹世本富繒綺嬌愛比  
明珠十五學組紉未嘗開戶樞十六失所適姓  
名傾里閭十七善歌舞使君邀宴娛自茲著樂  
府不得同羅敷涼溫忽荏苒屢接朝大夫相歡  
不及情何異逢路衢昨日一見郎目色曾不渝  
結愛從此篤暫隔猶恐踈如何遂從宦去涉千  
里途即跨青驄馬妾乘白雪駒送郎郎未速別  
妾妾仍孤不如水中鱗雙雙依綠蒲不如雲間  
鵲兩兩下平湖魚鳥尚有託妾今誰與俱去去  
約春華終朝怨日賒一心思杏子便擬見梅花  
梅花幾時吐頻掐欄竿數東風若見郎重為歌  
金縷

汝州後詩

依韻和謝副閤寄新酒

聞道芳洲景氣新却輸鷗鷺日相親小槽酒熟  
玻璃色誰憶高臺共賦人

送劉子思殿丞宰巫山

千里向巴東青山不可窮峽猿初入聽蠻語未

全通暮雪思梁國朝雲識楚宮  
吏人迎拜處嘶馬入丹楓

朔風寄永叔

朔風嗥枯枝遠鴈不能起  
日色寒無光原野澹  
千里所思在南國遐路闊  
音旨潛鱗亦安託冰  
結長河水峩峩既未泮  
獵獵終不已悠然傷我心  
歷亂非可擬

襄城對雪 二首

風急夜窻鳴暗知庭下積  
曉幔忻以捲虛堂睡

成癖飄飄初縈林凌亂欲侵席  
擁扉人莫掃何似素家宅

登城望密雪浩浩川野昏  
誰思五原下甲色千里  
屯凍禽立枯枝飢獸齧  
陳根念彼無衣褐愧此貂裘溫

雪夜留梁推官飲

晝雪落旋消夜雪寒易積  
燈清古屋深爐凍殘  
煙碧為沽一斗酒暫對千里客  
酒薄意不淺輕今須重昔重  
昔是年華飄飄猶適隙一醉冒風

歸平明馬無跡

南陽謝紫微挽詞三首

忽驚南郊信半夜雪中來  
遂哭寢門外始嗟梁  
木摧文章千古盛  
風韻故人哀憶昨臨湍水寧  
知隔夜臺

平昔聞嚴助承明耿直廬  
請章來未久捐館遽  
何如無復淮南諭  
曾成太史書蒼々不可問揮  
涕望輜車

自古豈無死賢哉獨可悲  
家貧留族觀門慶有  
諸兒里社當存祀邦人  
定立碑還同羊叔子罷  
市見遺思

永叔自南陽至余郊迂烏首訪謝公奄  
然相與流涕作是詩以寫懷

郭門臨汝水鏡色入高衢  
鞍馬過其上塵襟蕩  
已無及郊逢故友出涕各霑濡  
神物喪頭角空  
存尾與軀溝水失匠劉誰施  
藍與朱並轡不能  
語斯文其已夫歸來授予館  
自為炊彫胡且勿  
獸茲會日月易以徂

贈琴僧知白

上人南方來手抱伏犧器  
頽然造我門不顧門  
下更上堂弄金徽深得太古意  
清風蕭蕭生脩竹  
搖晚翠聲妙非可傳  
彈罷不復記明日告以  
行徒興江海思

教授宋著作還

何以擬君子雲鴻肅羽儀  
將過上林苑先集孝  
王池唼藻有餘樂  
漸磐方得時野塘歸莫晚  
白水遠連陂

宛陵先生文集目錄卷第七

汝州後詩

夏日晚霽

永叔寄澄心堂紙

聞尹師魯赴涇帳

夏日陪彭學士登城

王殿丞求釣竿

詠蜘蛛

宋著作寄鳳茶

觀水

大水後城中作

和李君讀余注孫子

新霽登周王城

荅李晉卿結交篇

秋日屬疾

田家

苦雨

聞永叔復館寄賀

九月一日

弔李膺辭

送李都監赴武當

重送

田家語

檢覆葉縣魯山田

臥羊山

汝墳貧女

昆陽城

老牛陂

雙鳧觀

葉公廟

悲己卯歲謝紫微

觀板兔

燈花

魯山山行

游元紫芝琴堂

至香山寺報秀叔

寒草

送崔秀才

思遠寄師厚

送師厚歸南陽

疲馬

和永叔冬夕聯句

古塚

仲春同師直雪中

和師直雪中馬上

和師直早春

和師直晚步

暮春過洪氏小園

雷祕校入闕擬官

登許昌城

孫主簿惠墨點

寄永興夏太尉



桓姤妻

目錄終

宛陵先生文集卷第七

夏日晚霽與崔子登周襄故城

雨脚收不盡斜陽半古城獨携幽客步閑闌老  
農耕寶氣無人發陰蟲入夜鳴余非避喧者坐  
愛遠風清

永叔寄澄心堂紙二幅

昨朝人自東郡來古紙兩軸緘滕開滑知春冰  
密如蠶把玩驚喜心徘徊蜀牋脫蠹不禁久刺  
楮薄慢還可哈書言寄去當寶惜慎勿亂與人

翦裁江南李氏有國日百金不許市一枚澄心  
堂中唯此物靜几鋪寫無塵埃當時國破何處  
有帑藏空竭生莓苔但存圖書及此紙輦大都  
府非珍瓌于今已踰六十載弃置大屋墻角堆  
幅狹不堪作詔命聊備齋使供鸞臺鸞臺天官或  
好事持歸祕惜何嫌猜君今轉遺重增愧無君  
筆札無君才心煩收拾乏匱積日畏捨裂防嬰  
孩不忍揮毫徒有思依依還起子山哀

聞尹師魯赴涇州幙

胡騎犯邊來漢兵皆死戰昨聞衛將軍賢俊多  
所薦知君慮不淺永對未央殿天子喜有言輶  
車因召見籌畫當冕旒袍魚賜銀菑曰臣豈身  
謀而邀陛下睜青衫出二嶠白馬如飛電關山  
冒風露兒女泣霜霰軍容壯士多劔藝匹夫銜  
賈誼非倍儒慎無輕寡愛

夏日陪提刑彭學士登周襄王故城

聊隨漢使者一上周王城片兩北郊晦殘陽西  
嶺明野禽呼自別香草問無名誰復忝離詠但

興箕頽情

王殿丞赴莫州日就余求釣竿數莖以  
往今因其使回戲贈

去日覓釣竿定能垂釣否若不暇釣魚釣竿當  
去取

詠蜘蛛

日結一尺網知吐幾尺絲百蟲為爾食九腹常  
苦飢

宋著作寄鳳茶

春雷未出地南土物尚凍呼譟助發生萌穎強  
抽莖團為蒼玉璧隱起雙飛鳳獨應近臣頒豈  
得常寮共顧茲實賤貧何以叨贈貢石碾破微  
綠山泉貯寒洞味餘喉舌甘色薄牛馬潼陸氏  
經不經周公夢不夢雲脚倍所珍鳥觜誇仍衆  
常濫盃既草草盈罌瓮寧知有奇品圭角百金  
中祕惜誰可邀虛齋對禽哢

觀水  
并序

庚辰秋七月汝水暴至溢岸親率縣徒以土塞

郭門居者知其勢危皆結庵于木末徬徨愁嘆  
故作是詩

秋水漫長堤郊原上下迷孤城閉板築高樹見  
巢棲耳獸蛙聲極漚生雨點瘳渚間牛不辨誰  
為掃陰霓

大水後城中壞廬舍千餘作詩自答

不如無道國而水冒城郭豈敢問天災但慙為  
政惡湍迴萬瓦裂搓向千林閣獨此懷百憂思  
歸卧雲壑

依韻和李君讀余注孫子

我世本儒術所談聖人篇聖篇闢乎道信謂天  
地根衆賢發蘊奧授業稍專門傳箋與注解璨  
璨今猶存始欲沿其學陳點不可言唯餘兵家  
說自昔罕所論因暇聊發篋故讀尚可溫將為  
文者備豈必握武賁終資仁義師烏愧道德藩  
揮毫試析理已獸前輩繁信有一日長可鑿千  
載竟未涉勿言淺尋流方見源廟謀盛夔高正  
議滅烏孫吾徒誠合進尚念有親尊

新霽登周王城

行行古城頭，歷覽古城下。  
水鳥傍人煙，河流隔桑柘。  
秋山豁晴翠，野老親時稼。  
民詔今已稀，閑登獸官舍。

依韻荅李晉卿結交篇

上交執正道，下交守竒節。  
當為蘭死香，勿作竹枯裂。  
試看溫玉堅，何似春冰折。  
貴賤事乃見，古今情不別。  
平生相與親，晏歲誰可決。  
君能持此意，足以表風烈。

秋日屬疾

體羸易生疾，况乃凌秋陰。  
微寒薄膚腠，飲藥增衿衾。  
一日失所治，百骸將不任。  
當從華氏學，聊欲為戲禽。

田家

高樹蔭柴扉，青苔照落暉。  
荷鋤山月上，尋徑野煙微。  
老叟扶童望，羸牛帶犢歸。  
燈前飯何有，白薤露中肥。

苦雨

秋空幾旬雨四海低鵬翮晝不見日精夜不見  
月兔洒盡天漢流蒸爛女媧石塗潦將埋輪牛  
馬困負輓羣蟲無土蟄百果就枝坼安能誅陰  
虬坐使天地闢

聞永叔復館因以寄賀

東方有鍛禽已喜羽翰插重来金馬門莫忘黃  
牛峽黃牛無冬春遠水生鱗甲今非昔日憂賀  
酒特新鑿

九月一日

去歲南陽與謝  
公別今謝已沒

授衣念徂節闔棺傷故人故人昔送我犯酒滯  
水濱只道後期易豈知無會因死生意不及欲  
語鼻先辛既乏羨門術安得如松筠寒暑更數  
十應亦同埃塵

弔李膺辭

陰蜺橫天長劔歆扶匣穎未露兮精鋼已折層  
冰塞川猛炬方烈凝氣未銷兮高焰已滅雖忠  
毅之有志兮當衰運之閉結嗟身禍之不免兮  
甘就死於縲綫何賢者之景慕兮或自表而謝

絕惟荀公之獲御兮見顏間之氣悅奚服媚之  
若茲兮蓋操秉乎峻節風裁獨高而罕接兮號  
龍門而無凡轍允簡亢不容於時兮玉雖碎而  
猶潔痛漢網之頽圯兮又何毀乎賢哲歷千古  
而可悲兮故余不得而面結叨此邦而長民兮  
過舊隴而增咽嗟異代之有遇兮若登履乎闢  
關對風樹之蕭蕭兮想免氣之未竭聊感槩於  
斯兮寫憂心之悒悒

送李康伯赴武當都監

城下漢江流滄波照鬢秋山川包楚塞風物似  
荆州試聽清砧發何如畫角愁遙知絕戎事水  
味有槎頭

重送

得朋如得寶何恨相知晚舊友貴來踈嗟君行  
復遠秋城隔寒水驛路入蒼巘古情深不深所  
祝加餐飯

田家語

庚辰詔書凡民三丁籍一立校與長號弓箭手

用備不虞主司欲以多媚上急責郡吏郡吏畏  
不敢辨遂以屬縣令互搜民口雖老幼不得免  
上下愁怨天雨淫淫豈助 聖上撫育之意耶  
因錄田家之言次為文以俟採詩者云

誰道田家樂春稅秋未足里脊扣我門日夕苦  
煎促盛夏流潦多白水高於屋水既害我菽蝗  
又食我粟前月詔書來生齒復板錄三丁籍一  
壯惡使操弓彌州符今又嚴老吏持鞭扑搜索  
稚與艾唯存跛無目田閭敢怨嗟父子各悲哭  
南臥烏可事買箭賣牛犢愁氣凌久雨鐺空  
無粥育跛不能耕死亡在遲速我聞誠所慙徒  
爾叨君祿却詠歸去來刈薪向深谷

檢覆葉縣魯山田李晉卿餞於首山寺

留別

我本山水鄉看山常不足自從到官來塵事便  
拘束嘗聞此山寺法宇深雲木無由一來過夢  
想向巖谷案田趨隣壇跨馬涉平陸良久送我  
行偶與賞心屬禪庭鳴白鷄祖席歌黃鵠野氣



逼人寒嵐光漆酒綠言離非遠離但愛交情篤  
重游應有期君忘行車促

卧羊山

亂石若羣羊緣崗卧斜日曾非左慈化更想初  
平叱無羶穴蟻去有乳寒泉出誰憶灞陵原累  
累冢傍贖

汝墳貧女

時再點弓手老幼俱集大雨甚寒道死者  
百餘人自濠河至昆陽老牛陂僵尸相繼

汝墳貧家女行哭音悽愴自言有老父孤獨無  
丁壯郡吏來何暴縣官不敢抗督遣勿替留龍

鍾去携杖勤勤囑四隣幸願相依傍適聞閭里  
歸問訊疑猶強果然寒雨中僵死壞河上弱質  
無以託橫尸無以葬生女不如男雖存何所當  
拊膺呼蒼天生死將奈向

昆陽城

試看昆陽下白骨猶啣鏃莫願隍水頭更添新  
鬼哭

老牛陂

吳牛行欲老漢馬烏得肥筋力不可恃遊子當

念歸

雙鳧觀

山下溪流照城郭  
幽庭栢子風自落  
古壇蒼蘚少人行  
不見雙鳧見黃雀

葉公廟

兵物還見驚從來  
人所悼今看古壁  
畫應合當時好

已卯歲紫微謝公  
赴南陽過葉縣陪遊  
興慶精舍題名壁間  
而去庚辰歲余求

按田因訪舊跡  
盡然于懷故作此謠  
以志其悲

昔與南陽太守行  
車騎休時訪庭栢  
今來重看壁間題  
太守已為泉下客  
獨流清血是門人  
悵便令生死隔

觀菟

莽莽蒿萊下  
紛、狡兔迷枯株  
坐守者若箇是  
志歸

燈花

灼灼生寒燼終朝照席明從教占有驗燃滅本  
無情

魯山山行

適與野情愜千山高復低好峯隨處改幽徑獨  
行迷霜落熊升樹林空鹿飲溪人家在何許雲  
外一聲雞

游元紫芝琴堂

訪古歷荒城城孤落日鳴人琴兩不見破月高  
臺傾

至香山寺報秀叔

家近心還遠川長馬易疲望山孤寺出渡水夕  
陽遲來向林間宿歸須月上時只應庭際鵲已  
報汝先知

寒草

寒草纔衰枯陳根已含綠始知天地仁誰道風  
霜酷

送崔秀才

晨風無定巢遠寄鷓鴣枝天寒鼓翼健粒食寧

所窺大澤多羣羽翱翔各有時今子振衣去焉  
能久逃羈

少年遊太學著書篋中衣獨叙自為伴無家何  
處歸秋蓬隨野轉寒鵲遠林飛霄漢有知己行  
行寧久微

思遠寄師厚

馬蹄踏霜雪不畏道路寒游子重衣裘慈母懸  
心肝懸心幾千里冉冉歲已殘大河今漸涸遠  
日常不乾度雁朝夕聞尺書寄亦難願同車輪  
復勿比弦上丸

送師厚歸南陽會天大風遂宿高陽山

寺明日同至姜店

往日送子春風前春風酣酣杏正妍今來送歸  
秋風後秋風撼沙滿川馬鬣斜傾毛瑟縮馭  
吏噤噙足後先弊裘吹裂寒入骨枯株磨受火  
欲燃忽逢古寺出崑腹與君下馬相留連殿堂  
高下就山勢松柏森聳侵雲巔長廊落葉卷若  
掃丈室垂幔翻如褰像塑神母乳九子抱携撫

玩皆可憐却令遠客自生念欲見幼稚心煩煎  
擁爐對坐日昏黑龕燈共借僧榻眠雖坐覆衣  
冷如鐵不及在家貧無氈曲肱難寐要天曉兩  
股凍痺仍筋牽根根殘夜木魚響起者昂畢傾  
西躔怒號斗息東方白童僕肅整吾將還老僧  
掃壁持筆硯請予強此題歲年出門並轡至山  
店茅屋揭畫餘尺椽又據胡床一談笑君不解  
飲聊開筵程次都無五百里篋中可乏一囊錢  
拂衣頻起畏日晏應恐慈母心懸一顧我便當

江海去却思此地何由緣

疲馬

疲馬不畏鞭暮途知幾千當須量馬力始得君  
馬全

依韻和永叔子履冬夕小齋聯句見寄  
遙知夜相過對語冷無火險辭闕尖竒凍地抽  
笋筍吟成欲寄誰談極唯思我學術窮後先文  
字少許可敢將蠡測海有似脂出輟必餓嘗見  
憂此病各又果弊駕當還都重門不須錄到時

春怡怡萬柳枝娜娜定應人折贈只恐絮已墮

行索且不貪明珠藏百顆永叔嘗見嘲謂自古詩人率多寒餓顛困屈原行吟於澤

畔蕪武啗雪於海上杜甫凍餒於耒陽李白窮溺於宣城孟郊盧仝

拙拙道路以子之才必類數子今二君又自為此態而反有飯顆之

### 古塚

南陽道中作此以下汝州罷官再至鄧州莽希深

南陽古原上荒塚若魚鱗  
佩不為王衣冠應化塵  
枯骸託魑魅細草沒麒麟  
何必問名氏漢家多近親

### 仲春同師直至壠山雪中宿穰亭

與子乘羸馬夜投山家宿  
風雪滿絳裘燈火深竹屋  
烹雞賴主人吠犬憎倦僕  
明發到巖前春萸凍索木

### 依韻和師直仲春雪中馬上

自倚春風暖輕袍犯雪來  
過塘迷綠水拂樹雜芳梅  
山蔽峯難辨樵通徑易開  
野行方有味緩轡不須催

### 和師直早春雪後五壠道中作

來尋谷口春正值陰雲結  
日暮冰霰繁宿亭孤

飯設侵晨登壠去始見羣峯列草凍未抽心松  
枯猶把節川傍認飛鷺林上墜殘雪何意待芳  
菲遲留未堪折

依韻和師直晚步徧覽五壠川

窮覽川原勝經行未歇頻樵深但聞斧谷暖自  
留春臨水何妨坐看雲忽滯人誰家煙塢裏竹  
樹遠相鄰

暮春過洪氏汝曲小園

三月花已休閑來羨叢薄河田地勢偏雨入灘  
聲惡綠草旋抽心青梅猶帶萼主人歸未歸誰  
省曾遊樂

雷祕校入闕擬官時將登舟過輦下

與君先後蒞同走向京華羨躍青驪去將乘烏  
榜賒着鞭辭宿雨渡水踏春沙聞道求為縣應  
當學種花

登許昌城望西湖

試望許西偏湖光浸曉煙岸痕添宿雨草色際  
平田夏木陰猶薄朱荷出未圓人閑綠波靜幽

鷺挿頭眠

孫主簿惠上黨寺壁胡需然書墨跡一  
匣

上黨佛祠何可觀開元瑞物圖高閣又有長廊  
古壁上復是名輩題丹腹當時泥用絲作筋意  
欲千載無剝落書奇畫妙了不識訛傳墨土能  
治平瘡寺僧不惜人指取筆畫遂缺如鳥啄後  
來好事恐磨滅寶刀裁刻泥如剝取之龕置綠  
板匣便寶箱楮同美璞拂拭還看體勢生盤屈  
蒼虬舞鸞鷺在昔不畏屋壁壞今也常恐兒童  
撲夫君知我心所重南歸贈以致誠慙此時雖  
喜落吾手老大腕硬無由學但當拜旣不敢忘  
莫為報言曾未數

寄永興招討夏太尉 代人

寶元元年西夏叛天子命將臨戎行二年孟春  
果來寇高奴城下皆氐羗五原偏師急赴敵晝  
夜不息趨戰場馬煩人急當勁虜雖持利器安  
得強二師覆敗乃自取豈是廊廟謀不臧朝廷




又選益經略三幘賢俊務所長或取李悝備邊  
策或欲五道出朔方仲夏科民挾弓矢季冬括  
驢賫道糧官軍未進復犯塞塞旗殺將何倡狂  
遂令士卒愈沮氣欲使乘障膽不張我願助畫  
跡且遠側身西望空淒涼庶幾一言可裨益臨  
風欲寄鳥翼翔所宜畜銳保城壁轉饋先在通  
行適守而勿追彼自困境上未免小彼據譬如  
蚊虻此嗜膚體實於肌血無大傷此言雖不可喻  
遠幸公採用不我忘誠知公慮若裴度聖上聽  
用同憲皇當時豈不歷歲月猶且衆鎮未陸梁  
況今鷹犬乏雄勇便擬馳騁徒蒼惶且緩須時  
勸厲卒終期拉朽功莫當

桓妬妻

昔聞桓司馬娶妾貌甚都其妻南郡主悍妬誰  
與俱持刀擁羣婢運往將必屠妾時在窓前解  
髮臨鏡梳鬢髮雲垂地瑩姿冰照壺妾初見主  
來縮髻下庭隅欵手語出處國破家已殂無心  
來至此豈願奉君娛今日苟見殺雖死生不殊

主乃擲及前抱持一長呼曰我見猶憐何況是  
老奴盛怒反為喜哀矜非始圖嫉忌尚服美傷  
哉今亦無



宛陵先生文集卷第七

